



ADMINISTRACIÓN LOCAL

MUNICIPAL

BERGONDO

Secretaría

Bases dos concursos das Letras Galegas 2025

ANUNCIO

A Xunta de Goberno Local do Concello de Bergondo (A Coruña), en sesión ordinaria de 10 de abril de 2025, e a proposta de Alcaldía, aprobou as bases do XXVI Certame Literario “Bergondo nun conto”, do XIX Concurso de Marca-páxinas e do IV Concurso de vídeo, así como o modelo de presentación para o concurso de vídeo. Este modelo estará dispoñible na páxina web municipal bergondo.gal.

BASES

XXVI CERTAME LITERARIO “BERGONDO NUN CONTO”

1. Hai tres categorías:
 - a. Educación Infantil e 1º ciclo de Primaria.
 - b. 2º e 3º ciclo de Primaria.
 - c. Secundaria e adultos.
2. Versará sobre algunha das seguintes temáticas: “A pandeireta, as pandeireteiras”
3. Os traballos presentaranse en formato DIN A4, formato narrativo ou poesía, a man ou mecanografados.

XIX CONCURSO DE MARCA-PÁXINAS

1. Hai catro categorías:
 - a. Educación Infantil.
 - b. Educación Primaria (1º, 2º e 3º).
 - c. Educación Primaria (4º, 5º e 6º).
 - d. Educación Secundaria e adultos.
2. Deberá gardar relación co Día das Letras Galegas, cunha pandeireta ou coas pandeireteiras.
3. O marca-páxinas pode presentarse en diferentes formatos.
 - a. Altura: mín. 10 cm./ máx. 20 cm.
 - b. Anchura: mín. 4,5 cm./máx. 8 cm.
 - c. Marxe mínimo en todo o marca-páxinas de 0,5 cm.
4. Pódense realizar a man ou ordenador, preferiblemente en cartolina.

IV CONCURSO DE VÍDEO

1. Cunha única categoría.
2. Creando un vídeo facendo mención a quen se adica o Día das Letras Galegas 2025.
3. Neste caso haberá que acompañar a solicitude de participación, onde se concede ao concello de Bergondo o permiso para o uso das imaxes.

BASES COMÚNS DOS CONCURSOS

1. A participación supón a total aceptación das bases.
2. Presentaranse con todos os datos na parte posterior: categoría, nome e apelidos e teléfono. Excepto no concurso de vídeo, que haberá que acompañalo coa solicitude de participación correspondente.

3. Poderá participar calquera persoa maior de 3 anos empadroada no concello de Bergondo ou que curse os seus estudos no CRA de Bergondo, no CPI Cruz de Sar, no CPAP de Bergondo ou no CFEA de Guísamo.
4. Os traballos deben estar escritos en lingua galega e deberán ser orixinais, inéditos e non premiados.
5. A entrega realizarase na Casa de Cultura ou na Senra, sendo a data límite de entrega o martes 13 de maio de 2025.
6. Todos os traballos dos concursos poderán expoñerse no edificio cultural A Senra durante o mes de maio, coincidindo coa festividade das Letras Galegas.
7. O concello poderá elaborar unha montaxe con todos os traballos presentados aos concursos e empregalo como material divulgador polas Letras Galegas nas redes sociais do concello.
8. Despois da entrega de premios todos os contos encadernaranse e estarán na aula de lectura da Senra a disposición de todos/as os/as usuarios/as.
9. O xurado estará formado por 3 empregados públicos designados polo concello
10. O fallo: a deliberación do xurado será en segredo, e delas estenderase a acta correspondente. O xurado emitirá os fallos nun máximo de cinco días hábiles a partir da data límite de entrega dos traballos.
11. O xurado poderá declarar deserto calquera deles no caso de considerar insuficiente a calidade dos traballos presentados.
12. Os/as gañadores/as de cada categoría recibirán un bono por importe de 100€ para empregar en calquera dos establecementos participantes na campaña “En Bergondo, mellor”. O acto de entrega dos bonos será comunicado a cada participante.
13. Cada participante non poderá obter mais dun premio.
14. A organización resérvase o dereito a publicar os traballos premiados. Neste senso os/as autores/as renuncian a calquera tipo de remuneración económica.
15. O xurado está facultado para tomar a decisión que considere oportuna ante a aparición dalgún imprevisto non recollido expresamente nestas bases, a participación conleva a aceptación de todas elas.

Bergondo, 11 de abril de 2025

A alcaldesa. Alejandra Pérez Máquez

2025/2362